



心知堂詩稿卷十

入棧集上

起巳巳八月迄九月道中作

出都後馬上口占寄諸友

幾年花雪聚燕臺握手都從故國來忽爲疎狂嚴酒禁  
肯因貧賤減詩才三秋紅葉隨人落一路青山送客回  
不信望洋空太息飛身無術到蓬萊

涿州曉發

忽訝林煙重低空水氣垂曉寒衣袂覺沙潤馬蹄知故  
國一何遠歸心相與遲漏天殊未到愁絕雨絲絲

白溝早發

客路爭先發車從夜半馳輪音相輓輓鐙影互參差霧  
雨終宵暗霜花破曉滋安心無別法途遠且吟詩

車中

故鄉不可到迢遞坐輕軒兩鞞牽詩思雙輪碾夢魂歸  
心餘鹿鹿倦眼只昏昏望斷天南路肩輿入劍門

新樂道中

昏昏雲樹莽中原隱隱人烟露遠村滿地珊瑚紅不網  
田家秋色聚蕃根

河千秋水綠於醅轍路遙從水底開滾滾雙輪如蕩槳  
浪花掀過馬頭來

落葉未知黃似酒蘆花無故白如雲西風一夜聲蕭瑟



成都汪仲洋少海



染得秋光到十分

欲授衣裳九月天  
砧聲到處響寒煙  
如何草際星星雪  
尚有人家未揀棉

定州古中山也弔慕容垂

漏網鯨魚縱海濱  
脫韉鷹鳥掠風塵  
衰年逆節慚姜讓  
故國開基倚翟斌  
河繞滑臺兵唱凱  
山圍參合鬼飛燐  
儘饒餘智探囊底  
可惜驅除爲別人

眞定府

當時不識顏平原  
亦不識有顏常山  
一旦赤心人忽變  
烽火照入函谷關  
琅琊仙人執節起  
河朔響應數千里  
咄嗟守備猶未完  
黑雲壓城氣皆死  
礮車打斷常山蛇

心知堂詩稿卷十

八棧集上

二

塞馬飲乾滹沱水  
矢盡食盡臣力盡  
不義之屈男兒恥  
肯學哥舒呼聖人  
先事睢陽報天子  
舌上熱血如鋒鏑  
飛空直欲斬安史  
禍亂相尋思其源  
前有楊釗後盧杞  
使者長安幾日來  
從容就義亦如此  
吁嗟乎常山難爲  
兄平原難爲弟

滹沱河

南陽天子人中龍  
二十八宿如雲從  
更始既立王郎起  
匆匆未渡滹沱水  
是時天寒河欲冰  
濁浪無花波有稜  
効靈河伯咄嗟辦  
未畢數騎倏已陷  
麥飯豆粥倉卒間  
大樹撐開中興天  
澠池積甲齊熊耳  
功與赤眉相終始  
厚意未報如故人  
區區封侯何足論  
君不見韓彭蒯醢

事高祖一飯君臣愧光武

邢台古之襄國也弔石勒

高光之際自評論鞞鐸常隨礮落身少日饑寒資郭敬  
中原攻守問張寶傳聞廐馬眞生角記得園蓂解肖人  
大雅惜惜空付託可能周霍是純臣

邢台夜發

匝地流水聲破空撼客夢心疑夜半車凌波走磬控牽  
簾見明月滿地樹陰動夾路皆白楊西風戰相闕乾坤  
氣蕭瑟日夜響瀕洞野鬼愁不眠烽火時一弄明滅倏  
西東行人笑遲重大化何茫茫吾生任狂縱

磁州杜城鋪道中

心知堂詩稿卷十一 入棧集上

三二

滿畦流水綠如煙也有人家種稻田穀穰垂時勸板急  
苦無脩竹似西川

鄴下懷古

銅雀臺荒漳水東瓦當分貯墨花濃生逢亂世稱周德  
死欲欺人署漢封一代姦雄眞落落千秋疑冢自重重  
鞭屍總爲藏舟拙笑煞中山石季龍

矢石餘生恣遣排香渠百道出官來芳塵黏雨空濛裏  
玉壁珠簾迤邐開照首有時驚大鏡滌腸無術念純灰  
誰知棘子成林日似我還貽果羸災

乳燕毛冠兆瑞初一家才武更誰如公和雅意師姬旦  
卻缺何心學伍胥才子當筵頻歎息將軍鬻水足軒渠

沼吳棲越尋常事會見羣羊再負魚  
踰牆能挾石狡狴雅量宏才不遇時家事歸乎眞跋扈  
癡人差未大凌欺虞賓載詠山陽贊秦帝難忘謝客詩  
步就東廊成禪讓雲龍門外犢車遲

富貴何爲到此人河邊歿戇竟稱尊投盃雅欲吞關隴  
滅騎猶能截塞垣漫罵龍逢非俊物空憐伯有剩游魂  
三臺殿閣都灰燼馬射繁華莫更論

車如舟

一驢拽一人推一輪轉一帆飛使車如舟茫茫何之風  
沙雨雪南北東西八月糴麥二月收絲眼中飽煖瘵不  
到身上寒腹內饑舍我車與驢而更將奚爲

韓魏公故里

日下雲光五色重殿前臚唱到韓公人如周勃兼文藻  
才過姚崇有武功義勇防秋千里外元勳顧命兩朝中  
宵來樞馬驚星落晚節香畱老圃空

衛輝旅次有懷武我堂孝廉

鴻泥回首幾經年下馬重來只悵然一昨旗亭分袂別  
更誰風雨對牀眠無多酒友都成夢不盡詩魂欲化煙  
忍向銀箏重問訊月明彈斷十三絃

九日旅次寄家兄載菴

菊花何處淺深開冷落重陽酒一杯絕塞雁聲從北度  
太行秋色自西來鄉關尚隔三千里客路難登百尺臺

莫把茱萸增悵惘計程歸及隴頭梅

清化鎮

我家芙蓉城門臨浣花水十萬青琅玕日夕竹煙起自  
從走長安坐臥黃塵裏欲見蒼筤根何啻瓊花藥及茲  
河朔歸刺促負行李流泉清淺間倒影皆鳳尾媚媚情  
何限離離恨無已昌谷不可作煙露誰爲洗倦眼開昏  
昏空翠撲心喜安得移此君與我共行止不爾歸故園  
更勿作游子

河內

素衣淪落緇塵染放眼都歸馬上吟萬里黃河穿地脈  
中原嵩室貯天心登雲我欲窮高下到海誰能測淺深  
形勝莫如收嶽瀆鴻溝酸棗不須尋

黃河

莽莽下崑崙黃流萬馬奔乾坤容跌宕滄海識雄渾水  
氣成銀漢濤聲在孟門何當封博望萬里訪真源

自孟津至洛陽

土山中坻裂一線走黃埃路壁蜂窩入人穿鼠穴來周  
書餘洛誥漢業有雲臺欲問興亡迹河流萬古哀

洛陽

陰陽和會啟鴻濛河嶽英靈迥不同才子文章推賈誼  
黨人名姓重溫公湘纍自况長沙去新法重行紹聖中  
終古北邙無限恨九原相對作幽宮

銅駝荆棘幾迷離勝地依然似舊時設難屢摩班固賦  
題名爭認陸機詩山銘朔漠功原大鶴唳華亭悔已遲  
不信文人兼武烈蒼茫異代竟同悲

雒陽行

肥王縊城夜出走流賊已圍伊闕口不須小放更大放  
有人城上暗招手開門大會凝碧池打亮高斟福祿酒  
藩封却憶分圭初國本廷爭歷年久如意當時倚戚姬  
仁宗猶未識宸妃更無寇準承清問但有王陵費諫詞  
金珙賜佩危機露玉合密誓無人知太后調護本家法  
孝肅慈聖相依稀兩宮告竣神宗喜冊立長者義良是  
故事不取霍光傳儲君仍是都人子驀遣張差挺擊來  
特用朱賡竑議起田叔治獄盡開脫程據和藥誰主使  
青宮太弟兩虛願鬱鬱東都豈得已婚費邸第踰常經  
莊田齊楚遙輸徵鹽井利向他山奪菽洲稅指沿江爭  
射賊不用周王箭登陣還招楚府兵夜半城樓火光起  
倡樂叢裏醉魂驚隻履無端墜戶牖泥首依然入鼎俎  
罵賊抱愧呂維祺逮治空誅王紹禹承奉兩人挽斷車  
桐棺一寸入黃土餘算別啟小朝廷覆巢完卵疑千古

函谷關

重關百二峙雲中隘地初驚一線通霸王乘機爭出入  
山川趁勢挈西東雞聲日夜人將老馬足風塵路未窮  
此去好尋秦漢迹咸陽煙樹遠濛濛

將至碣石驛

滑滑蹄聲馬不前盤雲細路欲侵天歸心忽爲青山喜  
略似郎當到武連

嶠谷道中

嶠函西上指咸京一線青天照客行土穴縱橫眞險地  
人煙出沒類奇兵空憐晉室乖原軫幾見秦家用孟明  
戰迹茫茫尋不得二陵風雨鬱秋聲

入潼關作

面列終南背太行潼關四扇鎖中央黃河水落蛟龍蟄  
華嶽雲開虎豹藏天地英靈原有主山川形勝總無常  
義軒舜禹殊畿甸豈必咸陽是帝鄉

楊太尉墓

心知堂詩稿卷十

入棧集上

七

講堂冠雀賀君升潼亭大鳥弔君死道傍墓表何巍然  
關西孔子楊伯起爰劉大業傳蒙孫生長深宮未出門  
封侯不遵高祖約通賂惟酬乳母恩女寵驕橫寺人侈  
詐下詔旨修新第太尉部掾發奸河間男子早棄市  
蹇蹇王臣遭反噬慷慨飲酖報安帝桑榆影落夕陽亭  
雜木棺中蓋布被華陰改葬安忠魂賴有門生頌前事  
吁嗟乎四世清德躋台司羣小接踵多誅夷彈指往事  
更何有但見石鳥如當時牧童樵子夜深過往往側耳  
聞悲啼羣小縱恣公孤死漢家家法恒如斯君不見恭  
顯常迫蕭望之

王景略墓

景略在苻秦昌景略死苻秦亡正朔相承言在耳如何  
投鞭斷江水陣後一呼百萬潰鮮卑羌虜紛紛起逆計  
前知如聖人太公諸葛真堪比垂釣渭水耕隆中高  
高貨畚將毋同却憶螭蟠布衣日伊誰冷眼知英雄徐統  
功曹枉召命桓溫都護空牢籠捫蝨不顧披褐走咨師  
之誣由崔鴻巖栖心似蓮花淨太華頂上無捷徑薦賢  
多事呂婆樓服官初試始平令拔韭破柱才原豪檻車  
下獄氣空橫倘使斯人竟廢黜何由舉國臻強盛肩頭  
肆赦更超遷席卷關東功爛然葑菲無遺魏犇奮恩怨  
分明法正專魚水君臣何灑落郊廟親祈眷寵篤謀略  
能教霸業成度量或致年華促當時秘器頒東園葬禮  
依漢大將軍一坏土內無遺恨生子猶能滅後秦

重登西嶽廟萬壽閣

尋仙五嶽一枝筇未上高寒落雁峰萬里風塵辭漢時  
六年煙雨想秦封明星墮地真成石古樹披雲欲化龍  
倚檻不嫌橫側看青天開出玉芙蓉

靈仙一掌拍空虛化作奇煙日卷舒玉井忽開明祖夢  
金天難答衛公書聲通帝座人誰到氣壓河流帶不如  
我欲秋風涼冷後蒼龍背上結茅居

冠萊公墓

御蓋忽上澶州城嵩呼動地聲雷鳴孤注一擲得全采

萊公手眼原分明不爾六飛走楚蜀豈待高宗棄兩京  
功高謗速易媒孽好剛使氣微驕矜瘦相何嘗是裴度  
文皇早已知魏徵建儲三言決大計宰相進賢不用例  
大節無慚社稷臣廷辯翻輸雀鼠智張詠臨歧教讀書  
魏野修牋勸避位天書但解獻朱能犢車詎料藏丁謂  
蒸羊遠餉拂鬚兒閉門縱博如當時蠟淚成堆醒大夢  
犀帶束腰知死期欲拜華州相公墓請讀皇祐旌功碑

驪山懷古

龍髯伏流餘禍水皇堂石井驪山裏情波動宕長生殿  
離宮壓斷新豐市朝朝祓禊如三春五隊靚妝皆麗人  
遺鈿墜舄香滿路艷說諸姨朝至尊諸姨未足當人主

心知堂詩稿卷十

入棧集上

九

傾城別有霓裳舞嬌喧繡嶺少瓊花笑倩三郎搗羯鼓  
天子無愁却有愁平章風月少全謀斛去明珠慰寂寞  
翦來鬢髮縈離憂覆水重收愈珍惜鮮紅荔子映顏色  
但欲老死溫柔鄉誰知生訣馬嵬驛犬戎致寇申侯知  
落葉哀蟬武帝思雪棧愁攀白衛嶺金錢悔洗赤心兒  
君不見三臺麗似華清宮香渠更比溫湯濃浴室雖清  
腸胃濁生兒尚欲殺乃公如何繡襖寵驕子艾殺乘勢  
變成龍

關中懷古

鐘鼓聲中引鳳皇干戈影裏唱鷹揚三監借口援文考  
十亂同心有邑姜頑惑雖然煩誥誡才難畢竟亞虞唐

征誅禮樂餘何物畢郢原頭宿草荒  
東遷不待壓弧謠黃竹淒涼王氣銷駿馬縱遊天子菴  
烽煙戲弄美人嬌供輸已見諸侯困一笑誰知九鼎搖  
太息宗周行邁處故宮禾黍雨瀟瀟

長城無恙祖龍死射海鞭山竟若何封建不修亭長貴  
井田初壞輟耕多焚書漫笑師儒腐逐鹿爭讐律令苛  
約法三章君信否有人歸唱大風歌

楚人真是沐猴冠書錦還鄉強自寬似讓三秦資赤帝  
從教十世住長安金城進說移都易玉玦當時會意難  
垓下烏騅莫惆悵漢陵風樹亦闌珊

百二河山據上游獨開東面制諸侯功成左祖纔安漢  
禍釀中宮竟易劉寡婦迴心悲帝廟新朝藉手竊神州  
黃貂不著稱文母可異金輪號改周

蒲津飛渡螯頭蛇射雁樓中日影斜誰煮麴糜供玉食  
好修桑版署官衙登陴守死千人在袖手勤王四郡奢  
記得長安故天子出降仍坐舊羊車

自詡蕭曹命世雄當年桀鷲匹劉聰無端醉漢騎生馬  
更值征塵簸大風三老諷譏何以健重門盟誓諒難同  
朱絲束縛肥如瓠早在澄公指掌中

草付居然起畧陽羣氏興滅是龍驤武侯端合封王猛  
司隸無難許鄧羌莫把風雲借讐敵猶傳正朔念荆揚  
如何百萬投鞭走匹馬匆匆出五將

夢裏陰兵漫乞憐龍驤建業本持堅蕭牆格鬪驚羣雀  
渭水蒙衝駭客船關內降王仍被戮江南宮樹欲生煙  
誰知太尉還師日冷眼窺邊有赫連

紛紛元魏有西東但道關中勝洛中何事熒星催下殿  
多情明月照彎弓戈矛倒授人誰肯湯火難分路太窮  
盡力東征還服事文王真合諡周公

黑獺當年欲化龍升天不至亦英雄兵從沙苑蘆花起  
馬逸芒山霧雨中扶背有人師丑父掉頭何處笑丁公  
平生遠出齊神武只在周官復古功

總管營謀作天子阿麼終始在雷陂龍舟殿脚餘驍果  
水飾圖經導宴嬉死慕江南陳叔寶生誅隴右李洪兒  
清游未厭逃西閣豈獨唐公有義旗

心知堂詩稿卷十

八棧集上

十一

楊花飄蕩李花榮貞觀年中致太平突厥近邊宜北伐  
高驪隔海又東征殊方職貢圖王會一代繁華詠帝京  
詎料皇孫傷燕啄金龜換鯉是傾城

開元天寶幾何時治亂無端祇自知殿上牙籤金鑑錄  
宮中繡祿赤心兒祠官遣祀終何益羯面來朝竟不疑  
想見吞聲杜陵老繁華消歇曲江池

心知堂詩稿卷十一

成都汪仲洋少海

入棧集下

起己巳九月迄十月道中作

楊妃墓

居民常於墓上揀得白土號貴妃粉婦女以之塗面頗增媚也

霓裳曲裏幾黃昏不復金釵挂月痕  
丹荔未完妃子笑  
粉花分揀美人魂  
歌成絕調餘長恨  
願結他生莫更論  
解道傾城翻殉國  
纔知禍本是情根

磻溪

六鼇含餌上磻溪  
便是飛熊入夢時  
寄語嚴陵諸後輩  
釣竿無事莫輕持

寶雞城外望棧中諸山

心知堂詩稿卷十一

入棧集下

車輪輾轆路三千  
故國雲烟落眼前  
不識山從何處入  
肩輿明日上青天

入益門鎮

閣道上冥冥  
秋風冷畫屏  
樹連天獄黑  
雲斷石門青  
驛路爭嘗險  
吟鞭肯暫停  
歸途心歷歷  
不問短長亭

自和尚原至大散關

盤雲開鳥道  
細路裊如絲  
草木有餘險  
山川工用奇  
金人悲會戰  
魏將悔窮追  
得失緣形勢  
兵家待語誰

煎茶坪

磴道登峩峩  
盤空不得已  
時作絕頂想  
更有峰巒起  
雲輒不受踏瀉  
地如流水直  
愁天路窮墮  
空悲遊子東連

太白頭西接隴坂尾鸞鷲從南飛陳寶方北峙四面奔騰來一氣沈煙底瞰空數高下羅列猶在几去天只一握罡風吹過耳欲歌行路難羣仙笑下里

宿黃牛堡夢魯輿賦寄

不盡英雄氣都無兒女情臨歧漫分手回首欲吞聲熱淚澆奇夢悲歌記至情爾來形落落肝膽向誰傾

自草涼驛至桺樹灣

一徑緣山腹曲折六十里上戴將崩巖下臨不測水峭壁忽斷路南北隔行李排木成偏橋橫空度游子雨穿風蕩搖破壞洞見底失足防偶然魂魄欲先死馬意不輕踏厯亂擺雙耳傍巖驅一鞭雷聲四蹄起數轉見村落周道忽如砥遙遙望鳳州桺煙淺深裏

心知堂詩稿卷上

入棧集下

二

自鳳嶺至心紅峽

南出岐南城逶迤跋層嶺登頓無鈎梯援接乏垂綆環腰如橐駝一步一引領高高上無極行脚亦何猛去天尺五遙但覺氣空迴左手摘瓠瓜右手探參井丹穴朝日開翠嶂冒煙挺巖壑低開張雲海浩千頃南望訝沈黑撐天衆峰冷幸非途所經轉愛飛嵐影低頭下山麓峽壁入幽靜繡繪所難到草木綠巖引染秋有淺深五色不能盡安得彌月畱尺寸窮奇境朝餐心紅峽暮宿鳳皇頂

廢邨懷古

蜀相驅流馬陳倉餉六師冥心生造化餘藝出神奇鼎足中興後銖分末造時沔陽祠咫尺忠蓋石琴知

將至南星道中

時見雲飛來時見雲飛去峭壁有人家不知出入處懸巖數洞穴著足知何處風雨夜深時飛仙自來去

紫柏山

雲氣接天白不知當面山長風忽中裂一綫開煙巒隱隱露叢木遙遙聽奔泉交柯互積雪絕澗迴寒煙得一失八九耳目紛茫然撥雲踏石磴隨風尋翠鬢沈陰鬱飛雨撲面爭廉纖隔手渾不辨徒御驚相旋身在白雲裏心空碧峰巔崖洞七十二處處皆飛仙我欲借一榻掃雲終日眠辟穀殊不耐願結山水緣

心知堂詩稿卷十一 入棧集下

三

小雷壩

日見南歸雁鄉心不住催踏開青玉峽飛上翠雲臺客路隨山轉人煙破雨來此行剛十月應折隴頭梅

雷壩

我昔從南來此間得小住時當兵火餘居民不相顧城郭破飛礮樓閣臥行路長鎗叢敗垣瘡痍紛無數隊馬蹂生民血想流水沍不知狂賊心云何有餘怒百家存二三茅蓬結故處安土良重遷舍死不能去孤兒悲望雲寡婦泣行露觸目紛慟心援手愧無具別來今五年重向此間度生齒亦已繁人家聚煙樹未問賢有司誰

何善調護版築成新城倚險殊不誤長歌棧道平不用  
官軍戍

連理樹

連理亭連理樹花開花落不知愁春來春去長如故枝  
枝葉葉相抱持風風雨雨忘朝暮我欲爲作連理歌生  
離死別愁懷多草木有情人奈何

自青羊橋至馬道驛

一過青羊橋巖巒竟何似其麓如朽木其壁如端綺其  
峰如飛雲其壑如枯髓瀑布分流處山骨白於水想當  
飛泉來萬派碧煙裏不知花與木彩錯紛無已不知禽  
與獸號鳴莫肯止僕夫嗟路難高下踏石齒而我與爲  
力輿中時臥起逶迤百里間差喜及村市亦欲就枕眠  
溪聲聒人耳

由雞頭隘至褒城

游仙夢裏揀詩才隴上梅花笑我回路本盤雲窺鳥度  
人隨流水破山來衣邊雨氣千峰合眼底晴煙萬井開  
孰客不須重問古褒城南是漢王臺

客裏風塵路五千故鄉初近便欣然褒中女照秦時月  
漢上人彈蜀國弦北棧雲山接南棧東川煙樹似西川  
雞關馬塞遙相望纔下青天又上天

漢中

秦蜀咽喉古戰場南通劍閣北陳倉樓船煙水連襄鄧

鳥道風雲接翠羗百尺將壇餘壯氣千年天獄幾眞王  
興亡楚漢無多日尚有隆中策短長

沔陽觀武侯石琴并述近事作歌

我聞諸葛行軍之鍋猶刁斗中有水火氣相守又聞諸  
葛雞鳴之枕隨宵更中有機關聲自鳴朽腐神奇不可  
以理格豈獨木牛流馬解供役埋山尚憶鼓爲銅譜曲  
誰知琴是石光如月含暈色如雲堆墨其形如半圭其  
質如積鐵上圓下方中四空星星一竅開鴻濛不知神  
工鬼斧秘從何處施匠巧但覺以手扣之鏗然應節聲  
枯相想當月白風清四山靜綸巾羽扇調黃鍾我心憂  
國不可寫迸落七絃哀怨中嗚呼大雅久不起神靈在

心知堂詩稿卷十一

入棧集下

五

天有如水妖氛尚憶五斗米風刀雨矢鼓聲裏是時沔  
上百萬生靈無所奔哭向定軍依墓門煙荒日落連山  
昏飛空黑氣翻車輪磨牙貔貙饑尋人勢欲捲地來噬  
吞歟然雷礮擘空蕩一綫神光生墓上須臾碎散爲流  
星百千萬億燦相望江千八陣圖中石起立如人皆持  
仗金戈鐵馬紛然間似見我侯指揮狀諸民羅拜呼侯  
來羣賊驚跳翻身回羣凶狼狽大兵集八戰八捷殲渠  
魁一朝烽火息行路石上琴聲澹如故欲聽當年梁父  
吟試向祠堂經宿住

重過五丁峽

天地有奇氣山川相吐吞如何五力士引手鑿雲根峻

峭壁雙壁哈呀開一門險絕記疇昔過此驚心魂怪石  
有餘怒橫空壓行人大於數間屋破壞時欲崩果見飛  
雲墜竟作臥虎蹲盤旋上石背摩挲摧落痕聞當雨連  
夜衆流爭峽喧下有潛蛟窟蟠屈不得由掉尾裂雲出  
昂頭穿石奔居民與過客漂沒俱無存吁嗟伐蛟政居  
官誰復論我行幸不值長歌還故園

五丁關

一入金牛道飛嵐撲面青中峰迴日月急峽走風霆導  
水疑神禹開山想五丁杜鵑何處哭愁絕不堪聽

柏林驛舊有題壁小詩數首巖麗生於報罷過此  
繼題於後且繫以序情詞悱惻有淮南招隱之

心知堂詩稿卷十一

八樓集下

六

意讀竟慨然感賦長句卻寄

麗生名學淦江稿丹徒人

我是黃山三十六峰峰上雲長風卷送峨眉陰峨眉明  
月不相識排天元鶴來追尋翻身墮落塵劫裏一在江  
頭一江尾摩空習氣誰能除閉戶馳心輒萬里芙蓉花  
下相送迎分手更作天涯行巴船棹與蛟龍戰棧道馬  
同鷹隼爭入險出險長安來相看欲上黃金臺誰知一  
第之難如行路空餘胸中奇氣鬱勃如夔門劍閣不得  
驚靈鑿五丁開嵯岬汜濫勢何能已一氣吐之淋漓跌  
宕不知其所以君行與我亮如此我詩未得君爲削何  
時壁上拂塵喜君詩未知我爲讀當時藉從心吾子篋  
中尚有驪珠千牟尼一串光射天一日不見心茫然時

時與我相周旋吁嗟乎自古詩人不適用得失何足生  
長歎坐恐錦袍玉帶相束縛使我不得逍遙放浪成神  
仙君何不挹我袖我何不拍君肩海上散髮騎鯨去山  
中掉臂抱虎眠

### 洞水河

漢水如白龍蜿蜒下雲際行人橫腰來步步踏龍背龍  
背不可踏鱗甲怒開閉一甲一波濤水花紛破碎奔騰  
徹晝夜涓滴潤天地念茲赴海情助我凌雲氣我本出  
山人忽作還山計慷慨餘生才憂愁負世治有若山中  
泉澗洞不得遂倒流尋故源進退都失勢何當神禹來  
導成巨川濟

### 將至七盤關

地形相對斷秦蜀一關分綠澗撐紅樹青山逗白雲時  
平邊戍滅秋盡野樵勤故國欣無遠鄉音入耳聞

### 龍洞背游龍洞作

飛空來獬龍掉尾有餘怒龍來水亦來龍住水不住白  
雲開合間蜿蜒相迴顧翕然張巨口流水爭奔赴一氣  
灌千古得吞不得吐吸川實豪縱尾間從何注平生山  
水癖未窮天外路有入定有出龍口踏雙屨黑白忽錯  
道陰陽爭跬步一徑探幽冥涉險得奇趣崩巖摩頂來  
驚濤瀉魂去未燃牛渚犀百靈紛無數山夔與水魅撲  
面爭駭怖慘慄長風來中有嘯聲助怪石如游人往往

相攜誤匍匐失去來怨悔及僕御不復辨何物著處成  
抵牾四面雷霆轟知與流水互宛轉更鑿空忽見天光  
露龍腰裂一綫尚非水泄處餘生出奇險未敢窮幽暮

自朝天峽放舟赴廣元

慨從京洛游衣上緇塵滿骭髒心目中俱若不得盥于  
里走雲棧頓覺氣瀟散驢背數青山詩思與之嬾殘蕩  
續不酣江聲忽撼斷渺渺挹流水一氣綠煙軟輕舸三  
數來快比并州翦失喜呼舟人我亦弄清淺江心初空  
曠峽口忽偃蹇洞天生面開圖畫游人展峭壁勢相錯  
奔流聲欲轉層層青嶂來處處白雲卷迤東峰最高中  
有關門掩一綫羊腸路迴合入奇險憶我南來時接踵  
不容緩低頭江上舟凌波羨欵欵往來異水陸今昔殊  
寒暖擊楫歎游人故里今不遠

桔柏渡

欲渡棹歌起浪花飛滿船山迴三尺水秋盡一溪煙道  
岸憑誰引浮生轉自憐泡渥看世事歸去枕書眠

重過牛頭山

我昔下牛頭陰雨四山闕半壁雲茫茫俯視疑平地倏  
忽穿雲行空濛但一氣始訝來處高所立猶雲際迷離  
踏磴道不知何處既及茲返轡來晴日射寒翠一步一  
回首隔嶺數歸騎愈遠愈微茫蠕蠕黑如蚊破空樓閣  
來肩輿得小憩憑闌瞰遠近圖畫不能備迺有緣山田

都作偃月勢層層山土平短短麥苗銳青煙籠赤霞高  
下媚秋霽想當種稻時積水如雲膩一夜春雨深萬壑  
明鏡麗肯讓嘉陵江白如雙帶繫良無買山錢但願時  
一至不須飽黃梁收取入詩思

羅江道中

一綫羊腸劍外回掉頭猶見亂雲堆靈龕鎮外青山盡  
瓦鼓聲中白雨來江水淺深穿隴畝竹煙疎密繞樓臺  
官城十萬芙蓉樹應向秋風次第開

入棧諸詩彙成題後

素衣無故染風塵棧路連雲往返頻十萬青山題不盡  
將詩讓與後來人

心知堂詩稿卷十二

成都汪仲洋少海

萍梗集

起庚午二月迄壬申十二月成都叙州保安閩中作

葬前室朱氏

貧賤多別離功名誤妻子青衫憔悴歸撫棺異生死誰  
言衾枕親茫如一夢耳愧悼餘中懷耿耿不能已坏土  
手自封佳城壓止水皎皎天可誓同穴義猶在叶遲之  
數十年僵臥亦如此無物持殉君悼亡詩一紙

將之叙州有作

五年京洛歸不識家所在貧賤無安土茅屋屢遷改入  
門更何見骨肉雜悲喜蕭颯及髭髮阿兄老如此零落  
餘膏沐嬌妻亦已死頽頽如我長跪拜皆猶子團圞百  
餘日匆匆束行李百年能幾何盡在別離裏自從弱冠  
來不得住閭里吞聲復出門一棹故鄉水

與君爲新婚燕婉緣恩義於君何容心而我適遂志五  
載張空幃千里馳歸騎結髮念阿姊繼室思同氣艱難  
衆口阻委曲始成議新絃雖已調故劍有餘思諒在同  
根生惻惻喻斯意今我非好遊飢驅不得憩努力愛春  
華歸期及守歲當時新婚別阿姊亦隕涕

寄題何竹友竹醉圖

名椿齡金堂人

先生愛竹如愛酒先生愛酒如愛友先生醉友非醉竹  
先生醉竹非醉酒頽然畫作竹醉圖冷翠寒煙香到口

城南把臂讀書時秋聲繞屋青離離君行卽應有此畫  
我行卽應有此詩不審如何兩不省但憶把酒酌竹同  
致詞酌竹願爲璞中玉爲瑜爲瑕不受琢空山顧盼生  
光儀溪泉隨意臥秋綠酌竹願爲雲中龍一爪一甲皆  
騰空霖雨蒼生灑徧了翻身更化爲長虹竹如有情爲  
竹壽枝葉低昂似肯首誰知玉抱荆人羞更見龍驚葉  
公走旣不能枯又不榮人兮竹兮兩相負瘦骨與竹餘  
一身風風雨雨愁殺人當時見君如見竹何時見竹不  
憶君彈指便是十年別君在故園我作客飄蓬斷梗游  
長安一雙青眼變成白但求看竹無處尋况欲尋君安  
可得風露夜涼秋氣清回首可堪情脈脈長歌一聲歸  
去來風塵骯髒胡爲哉入棧便覺心先喜竹樹出沒雲  
水隈問竹吾子何處住在蒼翠淺深處前日軟飽回  
家來昨日飢驅出門去貧賤依人眞可憐我亦隨上春  
江船窗外雨聲亂人耳今夕何夕對牀眠十年之別路  
萬里交游依舊吾與子意中之畫竟若此意中之詩可  
知矣我詩與君圖中竹結根飄穉同憂喜曲折在心不  
自喻迫急何能揭諸紙勞君遺我一雙鯉中有尺書索  
及此題贈此君如是爾

孤女苦

孤兒孤苦不若孤女孤苦孤女之苦苦有父無母女豈  
無母母不肯女 母不肯女女有父父亦如女目顧母

母怒父不敢女 父不敢女母不肯女伶仃三歲何所  
依走見阿姑阿姑淚如雨女飢且餐歸無言姑飼女

登叙州城東夾鏡樓作

金沙江與岷江合流處

青山飛出兩白龍蜿蜒赴鬪爭雌雄頭角怒抵勢相合  
化作一氣雲濛濛雲耶龍耶兩不辨高樓百尺煙水中  
不信兩脚踏無地居然把臂凌虛空斜陽倒影波光動  
身疑跳入鮫人宮當時相如頗好事沈黎楚道俱開通  
旄牛笮馬亦何愛長江險不分諸戎自漢以還二千歲  
南窮六詔皆王封壯夫何事擅詞賦聲色不動成奇功  
間世生材豈多讓後來遭際誰能同東樓流離嘆杜老  
元祐竄謫來涪翁立身天地中有得何須洒淚悲途窮  
不見上灘下灘棹歌發風波險處偏從容雙江濁漲氣  
洶湧一瀉千里去朝宗蘆花明日散飛雪更照秋水磨  
青銅

連理枝詞寄內

多情草木竟連枝不識人間有別離南國可憐紅豆子  
一生惟解種相思

代答

無情草木尚連枝不信多情慣別離爲問鴛鴦啄紅豆  
可緣此物惹相思

重赴保安

三年兩度出長城傳食諸侯舊有名邊月塞雲應識我

青衫仍是一書生

留別新州書院諸生

嗟我年甫冠授學在鄉鄙越歲舉賢書傳食從茲始兩  
臥峩嶺雪一飲麗江水數月五華樓四載長安市中間  
更出塞前年曾到此誰知波上萍沿洄更相倚交情託  
膠漆臭味契蘭芷朔風吹邊馬歸心忽千里豈不重別  
離營營非得已

有兄年已衰有妻齒猶少有姪未成立有女纔啼笑一  
家何所依四壁秋風峭賴我硯田粟水旱災不到燕蜀  
數千里緩急向誰告中夜起長歎歸夢憶顛倒引手彈  
刀環一鞭風雪冒多情二三子籌思無以報留我數首

心知堂詩稿卷十二 浮梗集

四

詩與君永爲好

大道本人理藏於方寸間凡民苦放失君子勤維閑一  
念不肯肆乃足全其天根本有所立進退皆欣然善則  
備經旨成效懸史編我材於何近踐始須慎旃學以濟  
吾用義利辨所先講業緬陸子聞言皆涕漣吾儕慨生  
晚瞻之若在前

文章一小道妙手通造化越自秦漢來體格日趨下六  
經麗日月光芒從天射胎源得其意百家皆可跨左國  
爭用奇史漢力相亞悻悻歌河梁幽憂歎楚些賦亦詩  
之流揚馬才頗大儷語忽鬪靡四聲隨附和古義誰能  
復俗見苦難破

和次惺甫夫子見寄原韻

人生如輕萍會合隨流水波浪一飄泊離憂不可洗  
沙與江海但願得所止浮沈難強同聚散從此始

公還我欲去我畱公未歸如何兩相錯茫茫成昨非  
造化忌情好力使同心違坐令兩孤寂日咏懷人詩千里  
寄雙鯉尺素療調飢

新詩不可讀字字皆心傷死喪念骨月嗟哉餘斷腸  
老眼淚枯澁化作鬢上霜撫鏡長歎息引領雲茫茫徘徊  
不自得吟寄天一方意謂門下客此情胡以忘我欲強  
慰勸矢口先悲涼

山川阻且長和答如面語惜無五色筆繪畫到肺腑含  
意不能盡了了心相許蘭芷間千里臭味誰齟齬秀影  
孤亭亭臨風念獨苦

得失有成數榮枯誰與談斥鷃嗤鵬鳥粉榆殊不堪詎  
借一枝蔭飛搶弗懷慙我志逍遙游垂天翼怒參六月  
雖暫息決背雲罩覃長風噫大塊九萬將圖南

今年黔山陽去年滇江潯遙聞彼地人居隣成樂土恨  
不移蜺旌欲歌江有渚安得雲觸石散作天下雨區區  
瞻使星桑梓私相語當時遺愛存終應纘先緒

爲四川  
廉詩

頭巾若積鐵重壓山不移自應賢書舉十易春秋時退  
筆已成塚洗墨空有池廢棄甘肥遜弟子殊負師還山

計已決欲發仍遲遲

居庸四十里南口到北口長城關鎖嚴容我從中走青  
山鑾馬蹄一步一回首幸有學道人晨夕對杯酒相忘  
形迹間濟濟多小友鬢髮笑未露我亦不成叟

棧路往來慣征衣雲氣多潦倒一身健離憂懷百疴夜  
永瓣香熟倚韻成清歌歌成淚雙墮耿耿當如何

附原作

渺渺西山雲盈盈路河水時有素秋月照人清如洗  
君特抱琴來欲彈復中止強作數日歡離憂從茲始

余與少海自洛河  
一別直至于今

我自吳郡返君向西川歸九載歸未得歸歟計豈非

心知堂詩稿卷十二

落梗集

六

羨君故鄉好奈我素心違心情兩相契慷慨還賦詩  
詩成一揮手使我長渴飢

自我與君別骨肉多險傷生死永訣離能勿摧肝腸  
老眼已枯淚元髮日改霜從頭思往事回顧皆茫茫  
感君情繾綣垂念天一方手書致慰問厚意胡能忘  
封緘寄蜀道寒飈助悲涼

蜀道如登天開緘同面語故人證襟懷言言出肺腑  
爾我非時宜夙昔默相許閱世多艱難平情亦齟齬  
欲言不敢言下筆心彌苦

苦心將誰訴惟君可與談君今復在遠我情何以堪  
謗集力難弭才盡中懷慙嗟余放黜後仍得隨朝參

臣職亦何補

主恩則已覃春明載春水一舸來湘南

君住錦江城我居蘭江澚此間我舊游昔曾紀風土  
岷嶓江之源荆漢水爲渚想見巫峽雲化作瀟湘雨  
不聞巴人歌下接楚人語一葦可航之或者通情緒  
友情未得達使命忽已移不期下車日又是承恩  
時依依嶽麓岫森森昆明池驅車出樊口策馬朝京  
師戀闕臣子心請命曷敢遲

計余渡蘆溝君當過峽口迨君金臺游余又碧鷄走  
邂逅知何時蹉跎成皓首獨坐憶良懽相思酌樽酒  
但願戰春闈君作塞旗手更願晏瓊筵兒作同年友

上林春色佳頽然醉一叟

心知堂詩稿卷十二 萍梗集

七

調高惜和寡交真怕情多情多引愁緒愁積成微疴  
思君不可極撫琴我且歌獨絃不終曲問君當如何  
和答馬籥雲送別原韻

寒雨釀成雪朔風吹亂飛關河千里別書劍一身歸厚  
意餘清讌長途嘆素衣浣花溪水上愁絕舊柴扉  
毳幕連三衛山城擁一州誰知遼海外尚有管公畱天  
地空青眼風塵欲白頭何時歌入塞歸釣著羊裘

題陳體慈年丈慈竹春陰圖

名希孟江  
西新城人

煙中綠玉寒森森勁節槎枒撐古今婆娑滿地影飛動  
長繩繫日飾春陰春陰一竿歌有斐小竹簞簞皆鳳尾

一筍脫縲生太遲秋風已落湘江水湘水東去春不還  
化作竹上花斑斑離披合倚望夫石覆蔭力成慈母山  
慈母之山高千古不教枝葉受風雨一枝兩枝長成林  
擎雲竟作龍蛇舞龍蛇擎雲雲亂翻最小一枝雲下蹲  
參天早已具條幹拔地未忍離本根本根堅勁誰能寫  
餘蔭今已及門下欲把南山壽此君一片慈雲作廣廈

阜角鋪題壁

長安過夏誤歸期潦倒生平了不疑收拾狂名宜斷酒  
消磨才力悔吟詩心窮造化天應忌氣太縱橫福可知  
去日苦多來日少眼前孤負更何爲

頭銜手版總依然負舉賢書竟十年寡合差能離世俗

心知堂詩稿卷十二

洋樓集

八

多情不耐作神仙游經雪塞裘彌蔽夢近春閨月已圓  
明日計程山路盡可堪回首謝雲煙

將赴閩中作

年年硯食笑奔忙纔解征衣又趣裝二月浣花春正好  
子規聲裏別江鄉

川北道黎雲屏觀察招游錦屏山

踏破北棧與南棧屐底煙雲綠未散游歷不到閩中城  
嘉陵山水只得半憶我渡江前日來中流倒坐船頭看  
闌干數折迴丹梯坡隴微斜展玉案軒然飛出雲中屏  
摩空翠影到銀漢古樹層層闕洞天疎鐘處處開瑤館  
日氣山煙互吞吐十花五色爭燦爛恨不迴棹入圖畫

騰身直上游汗漫有若交臂失英雄中夜念之心曲亂  
此意不失誰爲陳失喜今朝侍娛玩小隊洒落渡江水  
登高不肯騎款段攜我步步踏雲入數轉已訝耳目換  
纔從峭壁通飛楹陡覺軒窗吞彼岸伊古何人大手筆  
掃破千山走藻翰曲折篆就八字文瀋作江流綠不斷  
隔江遙見十二樓魚鱗瓦屋皆成貫東風三月花欲飛  
炊煙萬縷日初旰迤北山勢如蟠龍雲氣下罩玉臺觀  
想見杜陸兩鉅公到此遙遙相唱歎我才遠不逮古人  
長歌何能佐燕行下里巴人操土音試爲使君博一粲  
東洪肇甫茂才

萬里橋頭錦水濱一江春綠兩家分當門酒肆同邀月  
隔岸歌聲對繞雲古業欲攬陳正字時名肯減杜司勳  
無端小別三千日夜夜楓林獨夢君

鴛鴦同夢出西川只在扁舟一葉間雲雨未開神女峽  
煙波忽沒小姑山傳聞楚些魂招未想像彭郎鬢欲斑  
客裏傷春君較可蓋棺猶及撫花鬟

底事分婚大小喬中年亞壻各魂銷離家詎識醒春夢  
下第空憐敝黑貂力盡離披君子竹心枯展轉美人蕉  
差欣繼室猶同氣比似歐蘇義有繇

鴻爪雪泥渾不定分馳南北總堪憐錢塘潮湧三更月  
棧道雲連一握天乍別記當挑菜後相逢仍是浣花前  
離愁莫問誰深淺量取腰圍減去年

內子偕異女至館詩以勞之

芙蓉城裏浣花人不識，駟車宛轉輪志在竹竿。依父母  
義原瓜瓞走風塵，青山約住歸窰。夢絳帳飛來燕婉春，  
直待捲堂聽臘鼓，偕卿雙棹渡南津。

纔能啼笑便離鄉，不識青山道里長。似苦肩輿行永日，  
如驚驛舍是殊方。投懷彷彿猶知父學語，依稀解喚孃  
掌上明珠。差自慰，審馨豈必定兒郎。

鷹

勁翮思秋甚涼，颺厲羽來脫鞵。應萬里雲路九天開，奮  
擊將無敵。飢依且自哀，支公愛神駿，絳鏃日低徊。

蟋蟀

心知堂詩稿卷十二 萍梗集

十

振羽難飛去，初無面壁情。偶然爲熟客，不敢賦秋聲。促  
織心殊切，投機語未明。待將風露冷，在野數歸程。

螢

乍醒池塘夢，疎簾雨未晴。天機隨變易，行迹自分明。朽  
腐憑誰化，光芒誤此生。草蟲微細甚，團扇莫相驚。

十三樓晚眺

落日不到地，翻空燒暮雲。天光餘澹沲，霞彩忽繽紛。樹  
杪鴉收陣，蘆中雁引羣。倚樓人欲下，長笛一聲聞。

重游屏山作

青山如有情，飛翠入江城。卷幔時相見，捫蘿畫裏行。樓  
臺連樹色，鐘梵答泉聲。不減游僊樂，逍遙到太清。

漢水不時渡屏山隨意游白雲如愛客遮道苦邀畱  
去散飛雨翛然生早秋衣涼思半臂斜日忽當樓  
林巒久不到結構益翻新舊路迷黃葉青山笑故人雲  
蹊添曲折樓勢助嶙峋處處開生面詩成亦有神  
歸鳥没青天高低暝色連山亭銜夜月漁火破江煙對  
酒思今日題詩續舊編何當謝人事來此伴雲眠

落葉六首

將軍大樹老登壇日戰西風未解鞍金甲褪時秋雨重  
馬蹄聲裏夕陽乾千山野燒疑秦炬萬幕栖烏弔夜寒  
虞詡若行添竈計猶堪蕪火誤樓蘭

樹猶如此歎桓温家在江南黃葉村

蘇

月色半牀憐去

心知堂詩稿卷十二

萍梗集

十二

國蟲聲四壁攪離魂飄搖只合悲秋氣寂寞何堪賦小  
園一樣風枝栖未穩歸鴉啞啞話林昏

全椒道士避人行寂寂疎林太薄情荒徑一堆霜露氣  
空山無數雨風聲攤開夕照鋪黃海散作朝霞染赤城  
寄語仙童莫輕掃中多靈藥助長生

不用防邊與泛槎長亭分手卽天涯蕭蕭去馬空迷路  
得得停車當看花桑梓頻年成過客風霜今夜宿誰家  
行蹤未及南歸雁結侶衝雲一桁斜

上林楓樹也彫秋畫到宮眉欲縮愁九月寒砧催不盡  
一溝寒水倩誰收慵依綺閣聽簷馬淨掃天階望女牛  
恰有詩情無處寄嫣紅一片落簾鉤

平林疎瘦響蕭蕭儘有貧家學采樵霜葉半籃和露拾  
秋聲一擔帶風燒堆來石徑紅難掃曬到柴門翠不消  
可惜離披收未盡半隨飛櫂打江潮

重陽雨後雲屏觀察招游屏山作

雨後屏風潤蒼然翠欲流樓吞西漢水簾捲萬山秋  
佩雲中接笙歌鏡裏游何須尋海上卽此是瀛洲

失喜登高處名山候不同雨添秋樹綠霜讓晚荷紅絕  
代題糕筆何人落帽風嘉陵三百里都在畫圖中

桓侯廟有斷桅兩楹相傳爲當時摩右將軍旗者  
質如生鐵鑄成苔花古駁雨色生斑非唐宋以  
下物也

一木曾楮半壁天斷桅如鐵獨巍然摩風遠禡阿瞞魄  
滯雨遙從章武年是有餘威震殊俗那無生氣接重泉  
滄桑記否張黃虎夜見靈旗城上懸

相傳獻賊圍城日見侯  
身坐城上脚垂及地駭

久不游屏山木葉成堆雲峰盡露如別開生面以  
娛客者

西風幾度響巖隈落葉滿山秋已回脫盡霜痕迷徑路  
掃開煙景露樓臺林邊忽訝奇峯見樹杪欣看列嶂來  
讓出雲嵐仍點綴嫣紅片片是詩材

贈桂總兵函

裹甲曾登萬仞梯封關何用一九泥籌揜板楯黃陵北

力縛阡能黑水西雪壓石門歌凱入雲橫銅柱列名題  
當時戰馬知矜寵錦陣雕鞍驕不嘶

題王東楚前輩出塞集後

榜花同是第三人一十六科前後春

公舉於乙酉洋舉於辛酉計越十六科矣

驥猶能知道路飢鷹渾未辨風塵茫茫世事隨磨竭浩

浩心源欲問津誰令壯遊天地外杜陵詩格忽翻新

五岳尋常拋過眼崑崙頂上作游仙冰橋雪海原無地

硬雨明霜別有天噩夢一時隨酒醒奇聞萬種借詩傳

槎頭尚載支機石付與君平枕月眠

只帶奚囊不帶刀獨騎驕馬出蘭皇詩情半爲邊笳壯

酒膽偏因戍鼓豪萬里黃雲編外史

公著有烏魯木齊竹枝詞記注風土甚悉

心知堂詩稿卷十二

萍梗集

十三

年紫塞續離騷昂藏却對鬚眉白想見天山積雪高

幸得生還住玉台故鄉風景自低徊身經宦海波濤出

筆披邊關雨雪來耆舊傳中增事實草堂圖裏揀詩材

雞林問價君知否應對瑤篇笑口開

王東楚前輩出塞集後

當利建誦吟餘前輩圖畫詩入

大斷初並黑木西

心知堂詩藁卷十三

成都汪仲洋少海

匏繫集上

起癸酉三月迄乙亥十二月成都作

自折柳橋宿臨江寺

莫漫折楊柳遠游將奈何  
棼雲無意緒春水有情波  
斷酒仍如醉成詩亦當歌  
未知同逆旅鄉夢數誰多

資中晤張玉溪

猶然落拓兩閒身捷足難登要路津  
豪氣未除空使酒才名雖大不醫貧  
江鄉講業須吾輩海宇論交更幾人  
恰喜望衡三百里分栽桃李各成春

時余將赴永川講席

哭兄

心知堂詩稿卷一三 匏繫集上

一

十歲恃父如恃母十一依兄如依父  
兄念我寒被我衣兄憐我飢飼我脯  
有時榮聽怒頑劣不能下淚如雨  
旁人百計勸廢書銳意不顧今何如  
我年廿五膺鄉舉兄年方當四十初  
掀髯一笑喜成立辦裝趣我赴燕都  
是時秋深江水淺一棹未發淚先泣  
兄言兄弟只兩人如形與影未嘗遠  
茫茫計數五千里不識北上何日返  
弟雖成名未成室此心耿耿不能展  
歸予爲弟聘名媛刀環莫令緇塵浣  
我跪受辭辭水濱迢迢逐隊長安春  
薦士屢荷昌黎賞黜名輒逢元相嗔  
金盡裘敝歸故國兄喜迎我出里門  
調食爲我養憔悴燒湯爲我澆風塵  
東隣西舍託媒妁名門望族求婚親  
桃花滿地春冰泮

駟車宛轉迎佳人燕婉未奪壙箎樂室家已累常棣貧  
我既浮沈兄老大百憂煎迫氣不申是時兄年五十二  
我欲覘食永川去先日回家與兄別夜分翦燭話家事  
匆匆驪駒已在門破曉忽聞兄不豫披衣皇遽走問狀  
兄言微寒疾非亟我察面貌神如常我嗅廁牘氣無異  
兄趣我行我強畱一日湯藥親身侍晚來霍然如已瘳  
舉家色喜笑相語兄曰明發汝長征我已束裝難再停  
誰知此別成永訣但覺在路心屏營旅店惡夢殊奇絕  
以屋爲帽戴之行倏然柱折牆壁破墮地片片如煙輕  
科頭陡覺無蔭庇熒熒魂魄醒猶驚健步追來書一紙  
開緘一痛兄死矣兼程迴轡走家門隔棺呼兄呼不起

心知堂詩稿卷十三

鮑紫集上

二

荆樹半枯色不華雁行失侶聲難擬嗟兄爲我成室家  
諸姪婚嫁竟誰恃

兄有三子四女  
惟長女適人

嗟兄爲我望科名諸姪佔

畢竟何似中年失勢憐叩嫂垂老無依嘆寡姊宗親都  
無以爲死三間茅屋秋風中追逋之聲日在耳萬事艱  
難我不辭硯田一握憑支持獨憐七尺姜家被秋寒夜  
永風淒淒

勗姪

心爲百福原志乃萬事準人禽與聖凡所爭在兆朕方  
寸有獨至不假外物引名或千古香事有百代晒要惟  
辨義利良不關鈍敏詩書精其識倫紀敦厥本達亦何

所欣窮亦無所忿

惡固知不爲善亦慮不勉歲月如流水一去不可轉爾  
曹年已冠氣質猶未變貧賤而膏粱艱虞乃情懶叔訓  
爾毋恚母教爾毋睥縱爾義不可迫爾情先舛愴然念  
我兄當飢不能飯

勿謂生事艱氣沮不思奮勿以生事寬頽心不自振賢  
豪貴自立不知境逆順爾母鬢已白返哺乃爾分爾室  
均未授無後爾宜恨我心雖有餘爾力應各盡前路嘆  
茫茫勉旃惟所趁

題鄒龍田明經跨馬圖

名景與四  
川威遠人

志在千里氣瀟灑馬如其人人如馬須眉掉顧驥廻風

心知堂詩稿卷十三

龍景集上

三

馬語人語聲相通似與一心商所從欲介鐵甲馳邊功  
汗血下染黃沙紅不爾玉勒金羈側天廐長揚羽獵馳  
從容南國詩人有鍊獮西京御史騎花驄雲螭月駟各  
相亞黃芝白鶴將母同胡爲乎鄉雲衝破棧南北緇塵  
染遍京西東翻身迴轡不稱意駿足欲駐彈丸封聞道  
桂花香滿空隨君出手攀蟾宮人本如仙馬如龍試詠  
霓裳明月中嗚呼試詠霓裳明月中使我伏櫪下駒亦  
得望塵思奮而爭雄

寄呈惺甫夫子并柬魯輿

自從潞河別心挂燕臺樹聞道在黔江夢折夜郎路黔  
江又燕臺心夢隨所赴公如風中船欲住不得住我如

泥上萍欲去不得去秋來鴻雁飛橫空遞尺素迢迢勉  
行脩惻惻慰遭遇長跪讀未竟酸辛淚如注

東坡雖少小志不徒文章偶聞石介詩意與韓富頌一  
出廬陵門翩如鸞鳳翔生才固有間所志同皇皇自謂  
負奇氣不敢私低昂誰知羅昭諫空笑孟襄陽衣食不  
自保何能憂廟堂邇來稟記述采擇窮琳瑯磊落數前  
輩言行皆已彰誰禁愧汗下拔劍歌悲涼

奇章阻衛公維州議終阻籌邊志未竟捧檄去天府亦  
有張益州撥亂來西土化賊而爲民從容靖鼙鼓遇合  
誰能同功名不自主離合久暫間明主諒區區人材偶  
黜陟生民關甘苦我編職官志

時分修四川通志專  
辦職官人物兩門

喟然嘆

前古

心知堂詩稿卷十三

鮑敷集上

四

佛以夷化夷移之華則亂試考三代前歷世無民叛自  
從夢金人象教來震且貝葉翻迷津曇花現彼岸奸氓  
竊其緒其說彌誕謾中以生所欲懼以死所憚積勢生  
妄邪乘機構危難陸地開蓮花詭服畫象象公然闖

九閹短兵事僥悍此變從古無人神奮衛扞雷雨助鎗  
礮賊黨遂糜爛事定遐方知入耳猶駭汗倉卒目擊時  
非常想驚惋老臣憂國心無由獻襄贊鬢髮日以蒼臨  
風一長嘆

秦風吟寺人趙高弄國紀漢史記大閹常侍挾天子禍  
烈慨末流機緘兆創始接踵御垂方越世亂無已或以

充監軍將帥供鞭箠或以參平章輔弼伺顛指或以求  
領國賄倫引禍水或以道微行排闥亂邊鄙南衙北衙  
開東廠西廠起大獄空朝臣淫祠遍州里儲貳任廢立  
妃后聽生死結黨通黃巾乘危盜玉璽極惡無不爲前  
代類爾爾我 朝法制精積弊盡湔洗人爲傳宣設  
職任奔走耳無從攬權勢不得窺意旨小人伎倆窮乃  
敢謀不軌白晝引奸民深宮弄兵矢倉卒定變間  
列祖實憑恃遠怨近不孫難養竟如是

天災偶流行荒政古來備秦隴有餓者何至生妄覲其  
如爲民牧居官若夢醉鞭撻勤催科飢溺忘撫字百端  
驅之亂預爲立功計一朝變端生恇怯多顧忌始無汲  
黯仁終乏張湯智羽檄紛徵兵傳聞日以異東將會魏  
博西欲竄巴利江鄉怵前事團塞再起議誰知荷白挺  
掠食以自衛側聞官軍來跪逆道旁地哀哉駢首誅延  
頸對流涕

蜀犬傳吠日叢山聚雲雨往往冬春交豆麥已冒土暮  
見雲陰陰朝猶雨縷縷起視隴畝間新綠交撐拄餘潤  
泣未乾輕煙澹欲吐似見農夫來懷新相媚嫵但言陸  
海腴誰虞漏天補自冬越春仲蟄龍懶起舞爰風吹似  
薰烈日酷於暑豆麥未及尺焦枯十過五皇皇基亂階  
紛紛食大戶禱祀幸有靈石燕奮毛羽甘雨甦生機涼  
意到肺腑寄語田間人侯主伯亞旅勿復忘胼胝盡數

易酒脯餘通三十年王政維萬古

邊隅巫風盛競言事鬼神惶惑易蠢動其來亦有因如  
何中州地乃復藏奸人詭製託八卦險謀通九閩滋蔓  
八年内怪絕無人聞一朝造器械縣令驚無端徽索繫  
其魁黨類競紛然縱火遂劫獄持矛竟戕官東竄任城  
道北踏淇水濱蹂躪不稱意還入滑縣門道口木柵峻  
司塞稠房堅相倚爲犄角坐待騷中原

天子赫然怒將帥何桓桓關中調勁旅塞上來親軍成  
算在胸臆首先攻外援賊勇不據險退出侯光川伏與  
伏相應奇與奇周旋不辨人頭落但見刀光翻賊衆旣  
失利賊巢遂雙舉惟有孤城兀長圍防突奔明引雲梯  
逼暗穴地道穿九幽燃巨礮九天摧城闔餘賊震未死  
就縛如豕狔汚掠餘婦女尚有四萬存藁砧認中饋父  
母領愛媛焚香送凱唱重作太平民

龍口燕臺西白泉易水北從遊念往時歷歷猶在臆禽  
鳥娛絃歌風雲助氣色心在天地初機與風塵息懷哉  
十年來此樂難再得惟餘酬唱詩誦覽恍疇昔魯公雖  
暮年細書精鈎畫萬毫出風神一絲露骨力累許書賜  
詩合璧成奇特昨聞偶乘暇拂素點良墨盈幘聚珠玉  
天涯寄舊識先生何周詳公子倍珍惜臨發虞浮沈畱  
待面相擲此意彌懇懇我情殊亟亟致聲代善藏亦無  
故隱匿至寶縈魂夢能勿生推測

我有同心人年少如冠玉氣欲吞三江力可扛五嶽  
夜燃青藜於書無不讀使筆如使刀誰能與之角赤心  
付朋友虛懷聽規勗急難不自計重義惟所欲三載不  
得見念之縈心曲我本寡兄弟與君爲骨肉所願同雄  
飛誰肯類雌伏艱難苦遭際山川嘆綿邈九萬羨鵬翼  
衝天薄亭毒祝君雲路開引我海運速他時蓬閣間猶  
及手相握

題嚴麗生舍人海雲堂集後

金翅扇海海水立蛟龍頓學枯魚泣巨靈擘山山嶽摧  
煙雲化作蓮花開石可補天箭射日斧能修月車推雷  
是有神授不相貸通之聲詩亦奇怪二南三雅體各別  
大呂黃鐘今好在調宮每苦和聲難改調遂使元音壞  
風雅正變無不可誰能冥心與古會君從何處飛身來  
卓立李杜韓蘇外我讀海雲堂思議弗到驚欲狂擺脫  
靡曼非蒼涼此夏聲也不可當萬類勃發暢生趣一氣  
陶鑄成混茫竭來足迹半天下風塵湖海隨徜徉願逐  
颺車九萬里汗漫上與羣仙翔賡和鈞天之樂章

哭李氏猶女

女而失其母婦也非所天得一且不可况乃兼其全憂  
患迫性命那不中道捐嗟汝生歲餘伶仃遭迍遭誰憐  
掌上珠視同贅疣然贅疣成寄生賴有阿姑賢爲汝刮  
垢膩乃見眉目鮮爲汝禦風雪乃覺衣裳單恩威一以

變敏鈍如相懸千絲女紅巧七戒閨教嫺貧賤問名少  
清高擇配難蹉跎更謬誤草草誰主婚爲女良獨苦爲  
婦無所歡雖云安義命能勿隱悲酸更以阿父歿一哭  
摧心肝臥疾遂不起藥餌厥惟艱道路猶太息况在骨  
肉倫阿姑意淒絕阿母心惻然阿叔走問狀奄奄一息  
存含淚指所生痛絕無一言醫養兩不及綢繆愧未先  
撫孤易爲力起死無金丹何時隴西子解廢蓼莪篇

葬兄

去年掃先塋阿兄挈我至繞塋立左側顧言此有地其  
聲猶在耳其歿已易歲壙穴遵前約邛隴成夙志乃知  
精爽露沈痛非嬉戲傷哉罔極思惟兄報一二不識生  
所養但看死猶侍鴈鳩相和鳴喬梓日蒼翠從今賢子  
孫掃塋當思義

呈方有堂方伯

名積安徽  
定遠人

奇功小試守梁山一劍金湯障兩川大帥傾心煩指畫  
諸軍計日靖戈鋌城完壁壘櫻誰縱野斂芻糧困李仙  
聽說盈甯歌百堵盡教鴻雁得安全

石壩山前戰鼓頻攻虛奇策果如神從知鑊馬金戈地  
終要輕裘緩帶人一面獨當揮白羽孤軍深入破黃巾  
鏡歌架舞舞添詩料奏捷歸來格律新

碧眼花羣蠢不靈旄牛徼外賦南征攻心計熟籌邊日  
勒馬歌翻出塞聲白芳用奇踰甕井青唐失險獻瓢笙

歸鞭記度裁眉頂五月披裘雪洗兵

早建奇勲結

主知秉圭猶未拜丹墀諸侯肆覲明堂日百辟從封泰

岱時

公於五臺陸見

異量絲綸光簡冊外臺屏翰返旌旗銜

恩倍勵勤民隱記讀蒲州道上詩

送宋梅生夫子觀察粵西卽題東園話別圖卷

我年未及冠受知陳與徐

謂鍾漢海帆雨先生

感奮弄翰墨黽勉親

詩書旣冠擢鄉舉出棧登公車培風力未厚鍛羽還故

居二公一以去途窮形影孤維公見憐愛霖雨甦焦枯

平生數知已輓轡藏區區強半屬江右信有前緣無

憇園春風多桃李一千樹開軒見凌雲九峯互吞吐小

心知堂詩稿卷十三

勸業集上

九

隊閒出郊一艇翦波渡拄杖大佛頭足底濤聲怒隔江

數炊煙民氣日生聚苦心人不知但謂登高賦東山謝

安石西湖白太傅文酒恣跌宕德澤已宣布不見餉耕

圖熙攘有真趣

後堂坐俊彥我爲小弟子白面擁皋比兩飲玉津水豈

有驚世名依託及門耳江流百里間時復得御李春旻

隨冠裳夜雪授經史勗我有造就趣我束行李迢迢試

南宮一別五千里誰知鼓鬣鯨又作暴腮鯉慚感仍故

吾十年一彈指

善政非一端愛士乃其最廣厦千間寬布裘十丈大蜀

士但知名不在門牆外儲材念造始毓英使循次嘉陽

兩講院開初良匪易堂舍與膏火經遠籌不置延師妙  
精選督課趣講肄幡然士氣奮不忍輕暴棄雲路一以  
開飛翔各翩翩銜環知何人臨風一長嘔

戎州有石室培新自公手所遇畱惠澤不在暫與久我  
當庚午歲硯食課儕友飲水思其源共稱前太守側聞  
攝觀察瀘陽紆青綬扁舟泛黃花九月爲公壽小住十  
日餘舊業重指授躍冶金不頑經雕木不朽丹鉛存簡  
編什襲感高厚

十載不改官飽看我眉雪高寒春不到與公兩皎潔恭  
逢特達知遠秉監司節湘灘分合間秋水各澄澈江  
山更盛衰人情互悲悅士惜名師去民痛慈母別豈知  
公惻愴亦復難陳說投筆百韻成用以代喉舌意足言  
故長情眞氣不恭想見渾酒時手快心迴折遙遙春陵  
行千古歎雙絕

忠文與清獻三刀夢常續西川迴翔地惟公繼芳躅簡  
易端治源風雅絕塵俗所被在嘉州所感在全蜀聞風  
動相慕隔境遙瞻矚念茲蚩蚩情天當順民欲小別路  
雖遠未盡緣可卜初至馬驅五重來纛張六我夢隨公  
行棧雲碧如玉我夢迎公還峽水縹如縠

岳牧行入 覲祖餞盛一時勝地集良會名園隣墨池

賓爲新觀察主是前監司

東園爲鄭靜山觀察別業

僚友及幕府冠蓋

何疑疑要以氣味接不在官與師酒闌各神王韻事爭

新奇拂紙或作畫

沈少雲繪圖

分箋或賦詩

譚鐵蕭別駕嚴麗生孝廉皆有詩

或點

筆爲記

揚蓉裳農部作記

或按拍成詞

鄭靜山觀察填詞

蘭亭西園外此會

良已稀而我困塵事未得身追隨展圖一再讀恍若親見之長吟附幘未感述羞支離

### 題沈少雲洗六齋詩集後

鬚眉皓白地行仙一卷聲詩手自編作客不離開府幕歸耕難得辦裝錢人當杜老游秦後

君自蘭州就聘入蜀

詩是香山

入蜀前

是編皆未入蜀時作

欲倩彩毫重點綴草堂茅屋補新篇

### 陳望坡方伯葺竹虛石介之軒索題

名若霖福建人

寸寸虛心面面真聊從竹石現全神勤求訓誨方知治不廢圭稜迺愛人長慶集中幽翫意會昌詩裏塊然身

心知堂詩稿卷十三 乾集上

十一

### 雲生觸處陰成畝看取敷撐大地春

### 寄贈陳雲颿參軍時方從軍魚通

名廷璧貴州人

俠腸自然熱不在接杯酒壯志何其遠不令折楊柳二月從軍行西出桃關口山衝木梯上水跨索橋走磧房豎層塔皮船坐軟曰不知路險艱但覺神抖擻草檄書據鞍殺賊刀在手想當請纓日氣已吞羣醜昔有高達夫參謀展抱負西徼隨旌麾東川分圭卣人謂詩通政其實無不有載咏六月篇千里遠翹首

### 哭馬司獄揚

春筵寵牡丹秋飲就叢菊兩度索我詩我懶不一復甫欲從君歌忽已爲君哭茫茫人世間真如隙駒速嗟君

負逸才少小困場屋卑官聊自污不爲升斗祿尉佐苦  
捕緝掾吏嫌案牘刑名盜賊外引身職司獄青犴雖威  
猛善守不馳逐坐看虎豹跳磨牙飽獐鹿餘生或未罄  
用以屬吾屬仁心苟不固亦可惟所欲而乃撫瘡痕不  
肯事腴剝徒然張大口未嘗一果腹坐此宦夢老身世  
兩局促憶昔西徼行直到東天竺雪壓蠻碕青冰染藏  
河綠繩行雜花帚梯度聽畫角殊方恣奇筆馬背手親  
錄一說繫一圖康藏衛在目桑欽鄴道元經註眞可續  
歸來闢官舍標言亦易足區區一畝間匠心穿九曲池  
沼分東西樓臺忽起伏園成詩亦成五字何卓犖所蘊  
未得展舉事已絕俗骨傲故不貴才清乃無福季札交  
徐君不以死生愆此詩如彼劍酬知志在夙招君未葬  
塊聽我吞聲讀

王西躔司馬屬題畫蘭

一花一美人一葉一君子風格何翛然幽香燦十指籠  
植華池邊隱居深谷裏遭遇良不同氣味總相似欲效  
同心言巴人愧下里

壽外母朱安人六十

海內何茫茫平生幾知己眞賞離風塵落落數公耳巾  
幘而鬚眉巨眼惟外母呼我當未知名落落拓走鄉里章  
臯家本貧陳平貌空美擇婦雖自精求婚或見鄙張負  
苗夫人卓識世有幾母也何所憑卜鳳心獨喜結禰遣

愛媛繼室又嬌女見解不中撓恩義洵無比白髮風蕭  
騷返哺愧半子

神巧本天授觸手成五色垂髻勤女紅挑燈不肯息尚  
憶趨庭過中懸徑丈幅離奇百壽字蛟龍互拏攫阿耶  
顧之笑縮繡授寸帛黍粒千鍼心毫芒一綫迹却從微  
乎微點畫見筆力才華不炫露教誠自整飾偶然論前  
事歷歷數故實乃知曹大家胷中蘊載籍

母也于歸日外家適完盛中歷五十年人事漸紛競繁  
華戒厥始澹泊守其竟黽勉相夫子始終惟一敬推愛  
及同氣所欲力爲應雙雙玉條脫煌煌金背鏡或以援  
叔急或以順始命旁人昧大義交口恣詬諍豈識仁者  
懷悱惻猶未靖坐此生計促流離雜貧病獨有區區心  
仰對天宇淨

欲搏爪必拳將飛翼先伏萬事機相反賢者逆而卜母  
家雖中衰積厚從疇夙有如歲寒時松柏凌霜綠根株  
春欲回枝葉氣俱足繞膝看兒女骨相非碌碌賣盡民  
間田竹食天家祿舊志終可伸但令勤誦讀我聞母生  
日萬方佛初浴苦惱諸相空慈悲一念篤願養歷劫身  
坐受無量福遲之四十年聽奏期頤祝

題趙仲穆畫蘇卿牧羊圖

一節之奇千古快一事之失千古慨蘇卿但知身屬漢  
王孫底用國封魏阿雍畫此豈有意何乃不爲尊親諱

畫意不可知畫工良獨奇飛霜似上老臣鬢平沙欲沒  
枯樹枝黃雲亂卷節旄酸鼻屹立邊風吹塞雁無書  
傳未死羝羊不乳何由歸嗚嗚角聲起匈奴獵初罷雕  
弓羽箭橫腰胯虬髯鬣聲叱咤別有空騎出隊後似  
是單于遣相迓但使肝膽稍變更遭遇豈出李陵下左  
校王博隴西羞雪窖臥免世人罵事本可傳畫亦佳筆  
力欲突松雪齋偶然墨戲須檢擇立身大義胡可乖圖  
成倘使而翁見夢交葉李俱非儂滄桑變幻幾回首漢  
耶元耶復何有此畫歷劫誰寶藏乃與蘇卿同不朽

心知堂詩稿卷十四

成都汪仲洋少海

匏繫集下

起丙子正月迄丁丑九月成都及京師作

和竹有春日偶作原韻

俗情雅愛像生花不識春畱處士家未易移栽真老樹  
何須搖落嘆蒼華蒼華髮神竹有髮蒼故云新詩走筆成郵訊小飲挑  
錢借畫又應笑江鄉仲庭預火爐金箸穩生涯

顧師嗜畫一俗相者持劍怒坐一僧相旁侍進鞘

屬題

是俗非俗僧非僧食肉漱口常誦經師皆有食肉誦經圖貪癡已斷

猶餘瞋手中劍氣寒於冰此劍由來非鐵兵色相皆空

心知堂詩稿卷十四 匏繫集下

一

銘莫名慧性鎔冶新發礪縱未出匣光已騰諸魔擾擾  
敢憑陵污鋒毋乃虞臊腥豺狼狐狸誰重輕誅不能盡  
氣轉平干將昔聞北海評髓髀莫解師賈生我自露刃  
我藏稜彼僧與俗知此情

題沈少雲芳心自賞圖

沈郎老作諸侯客鶴髮童顏年半百西踰隴右南溷南  
東窮山左北直北閩海沅江餘舊游黃磯赤壁有陳迹  
逢迎到處皆公卿出入尋常看棨戟邇來乘興更豪宕  
高踏棧雲入梁益嘉陵早撫吳生畫奇字重啟揚雄宅  
浣花拄杖偕妻子幕府青袍似疇昔酒酣耳熱詩思湧  
眼光直射裁眉雪羨殺放翁依石湖却怪杜陵錯高適

彈欽肯被游士羞濫竿漫博世情憐可憐囊中三尺琴  
高齋獨對清秋月心手相商良有情形影之外更誰識  
從來皮相非知已得一不恨古語激我亦風塵骯髒人  
廿年筆耕當力穡書畫二絕輸君長獨有狂歌差相敵  
五舉賢書不得第胸中枉貯匡時策豈無薦士如昌黎  
動被放歸猶孟六叶羨君已掃求知心愧我尚爲科名  
役騎驢出棧又勞勞未卜榜花開五色要當初心不自  
負還君此圖三太息

將有北上之行慨然而作

不及負米養又無椎牛祭哀哀三十年吞聲暗隕涕百  
拜辭墓門行當赴計吏不第患飄蕩得第虞畱滯依依  
諒兒心惻惻想親意松楸如有風枝葉雜獻敬忍哉溫  
嶠裾愧絕右軍誓

往時買公車束裝兄先笑預祝駟馬歸毋學馬卿傲今  
日買公車束裝弟先悼如彼孤雁飛形影自相弔人命  
嘆浮漚功名羞媚寵兄歿原不老我行今非少遙憐九  
原心猶望泥金報

我非馬伏波何能戒兄子區區猶父心千古諒如此念

茲遠別離莫作風過耳醫業原仁心希賢業醫算學有微理

景賢學算但能竭智力亦可名一技莫猜棄取心督厲當知

恥不見楊遵彥銅盤寵莫比

時攜宗賢同行

俾獨憐寡姊衰病哀外姑貧困嘆邛嫂三人俱無夫不

忍相對泣但覺衣袖濡念別各傷老情懷亦自殊會意  
不在言慨然心有餘賤日尚相顧貴時寧自娛未知晏  
平仲能贍三族無

五年不出門燕婉如新婚因君念阿姊典型殊虎賁心  
慧口偏啞儀淑氣自尊道異柳下惠能令薄夫敦閨中  
得良友坐對捐塵紛雅有英雄氣渾無兒女仁揮手事  
遠志努力褒芳春

嬌女知我行抱頸不教起嬌兒知我行繞榻呼不已乳  
母袒懷來懷內抱中子牙牙語不清兩手東西指似解  
斯須別動輒便千里撫茲心默然強笑不顧理趨庭與  
咏絮何時課爾爾

心知堂詩稿卷十四

鮑繁集下

三

棧中題楊對山同年詩後

名變四川成都人

劫火燒難盡應知筆有神君行束裝未我又出山頻擾  
擾餘陳迹勞勞笑此身題詩近褒水蛟鱷莫生嗔

在時余在柏林

釋題壁詩已為山水衝決

### 四十自壽

疎狂幾見到公卿卅載頭顱氣始平肯被才名誤科第  
憑何福分揜聰明文章報國原無價事業經時在有情  
弱水茫茫三萬里試從鯨背望蓬瀛

得家書知子北上後二十日舉第三子名之曰進

賢志喜寄內

離家念分婉魂夢日顛倒書來欣無虞呱呱已襁褓連

舉丈夫子何妨自品藻骨相較兄奇眉目較姊姣千里  
請命名事欲不草草憶昔名兩兄字義面探討述願與  
我肖邁願比我好今者意有進何以副懷抱卽此爲之  
名遠志基少小鵬鷲高盤雲驂騶快登道跨竈猶平平  
陟岡乃表表長慰阿母心榮名以爲寶

壽顏惺甫夫子六十初度一百二十韻

聖化覃布攄鍾毓邁疇昔生才得間氣幾輩稱巨擘人  
海何茫茫我公實奕奕周文邈遠緒邾武分宗祐陋巷  
聖起家平原功開國詩歌曲水陳音義漢書譯扶疏分  
千枝經絡只一脈嶺嶠梅花香羅浮蝴蝶翼遷當五代  
初地是九仙側先世多聲聞中丞九挺特領郡得岱宗  
媒祀近鄒嶧履石降玉童吞霞啟金席慧業悟宇宙髻  
年志竹帛端倪誰魍魎沒自綜核糠粃百家理爬羅  
六藝迹鴻藻甬會鋪幽思禕隋得文疑吐鳳雄口過雕  
龍奩明經手版新駕部頭銜易樞省恰同官帖屹不須  
陟忠孝公無忝文武

帝兼迪秋獮巡木蘭春官執羈勒七埒試挽強一發竟  
破的正鵠穿楸垂弓弦響霹靂

至尊許志毅宿衛驚貫革爰賜餉侯儀用彰射士德唐  
家十五道漢代二千石宣化重外台循例作郡伯劉竺  
白鹿車蕭蒨金鳳宅今人卽古人我職如彼職西江撫  
字勤南詔監司迫溝渠遵文齊保障類霍弋啟啟民歸

心蠹蠹苗啟隙金沙石鼓喧銅柱鐵橋阨礮車開瘴天  
花裙繫徽索凱唱歸滇池量移轉彭澤露冕揚前徽埋  
輪繼異績人欣堂構成公惕箕裘責敏敵清風清放歸  
白日白經通法律平民肥胥吏瘠開藩籓滌紅建節幢  
擁碧江河換管領燕豫互送逆嵩高冰鏡懸沽定金堤  
搯總管纜黎陽節度又冀北協氣莫塤黷厖褫澹阡陌  
三穗餘晚禾雙歧遍稽麥休烈絝邦畿流慶甸邊塞嘉  
猷真逸倫湛恩本破格青宮備顧問黃衣荷殊錫

主存堯舜心臣盡臯夔力魚水歡莫名鴻風順何極失  
官以公事遠戍走殊域寂寥烏壘戈苓藪玉關笛環句  
月蝟城飲竄龍沙積空窻雪海寬趑趄冰橋窄激冽黃  
河源嶠竭崑崙脊猱狔毳幕孤瓶甌房仄焜耀明霜  
飛朔滂硬雨滴悼恹恹勒勒歌醅醅酪食戍鼓窮西戎  
邊笳靖北貊台吉古左校阿渾今伯克部屬射鵰兒招  
徠貢馬客漠漠忘騷咨躋躋甘遷謫肫肫感

聖明燦燦憫行役閭閻頌

詔書屢屢返戈壁壘學金

曹案悌悌治河策瞠瞠監瀟湘鼓鼓司滇棘覃覃仍封  
坼皇皇再圭璧金笱誦先芬羅甸傳新檄郎君撫舊衙  
父老半相識繼美非紆青傳家是保赤作述民猶知內  
外臣何擇司官封偶閒轉運任何亟時當兩浙旱民有  
調飢怒倘非張永寬不救錢塘厄維

帝咨臣鄰我公膺簡冊發粟流徙還捐租士夫懌冷面

如周新長鬣似蘇軾葑堤欲踵成竹籠不遑獲雨露始  
滲漉雷電忽眩賜

聖心餘路踈吏議在疎斥遂爾卸簪紱依然畫笠屐聞  
說賦初衣躬親耕故籍節操貧逾堅性情澹不感漫墜  
水竹間偷忤風塵息還山夢早清閱世心猶惕昔我困  
京華遭公得拂拭從遊界燕趙相對數晨夕荆關當面  
雄瓜澗繞門激五字傳正聲萬卷恣潤色空洞心相照  
諛謔口不默羣季舞翩翩癡叔笑啞啞鄰里驚驩呼杯  
盤任狼藉天馬譬脫羈腐鼠誰能嚇彈指十三秋回首  
東西隔亦有萍水逢渾如夢魂覲瀛海送蜺旌路河迎  
豹舄握手樂莫樂分矜適所適時光太匆匆情事猶慙

歷老鶴雖倦飛雛鳳初奮翮雁塔欣題名花磚艷候直  
此事真跨竈舉家想慶額而我羞魁擢一官嘆局蹐不  
學躍冶金空如就搏埴聊備人所需非如古應辟折腰  
良可憐強項更誰惜化僚餘呼負俊侁往堪憶二十歲  
相長比勘數無仇公昔服政初我亦室家逼今公屈耳  
順知我近不惑曩猶貢面祝茲乃寄心畫陳言去綺麗  
奇氣湧胸臆南海雲萬頃東湖水千尺釀之作醍醐蒸  
以爲醴醑一滴延長春十甕沾餘瀝會卽耆英名堂從  
畫錦關香山圖再補洛下例堪借功名已不朽風義更  
無數韻事博歔欬佳話預攜撫遲之六十年麋壽一倍  
積祝公百二十我亦年一百

哭僕

僕人閔升本名耀宗陝西長安人初以健壯試  
武生冠其曹繼入行伍從軍勦教匪南山中數  
奇不得秩貧無以贍親乃變計爲人役敏捷無  
不稱使公車北上遂偕以行閔能挾鞞掀淖以  
助御者故五千里無覆車折軸之憂其才力雖  
殊絕儕輩而無好勇鬪狠之習然亦頗矜詡善  
諧謔坐是不爲朋輩所喜而又無敢與角者乃  
爲惡奴張升伺其睡夢搤及洞胸猶能大呼奮  
起手自拔及而死時丁丑五月十五日事也

關西勇士閔耀宗燕頷猿臂睛如銅飲啖兼人不得飽

心知堂詩稿卷十四

鮑蕪集下

七

能騎怒馬彎強弓十八試材武十九從兵戎先登陷陣  
裏賊戰迴旋慄疾如飄風獻級擐旗未受賞改勦爲撫  
難酬庸弓折馬瘡漫唱凱骨不封侯家苦窮牛衣不惜  
泣阿婦鳩杖豈忍飢而翁憤激牢愁不稱意甘心僕隸  
埋英雄前年見我成都市我壯其人知不同書生豈出  
諸將上健兒乃逮羣奴中雲煙踏破棧南北風塵走遍  
河西東往往敝車陷泥淖掀以出之如轉蓬古來車右  
有若此何難百代傳奇事同一轍報相萬人無十等  
惟遭逢不爾摧剛爲柔者當時竟作朱家傭鷹隼苦飢  
從鶴舞虎豹得食忘豺兇力不相敵乘間取殺人賊計  
何其工操刀暗伺斲聲落魄夢未醒刀搥胸奮臂大呼

手拔又回身作勢如撻鋒餘威震落小醜膽踰垣折足  
何匆匆張瑜垣折足旋為邏卒所獲我起呼救已不及但見血花飛亂紅  
嗚呼但見血花飛亂紅當時恨不戰鬪死國殤猶得祠

昭忠

傷哉行送閆翁扶其子櫬回秦

以兒爲命老翁老以夫爲命巧婦巧以父爲命小子小  
傷哉一家之命係一人不殺之殺尤可憐忍絕鋼刀是  
何物鰥寡孤獨頃刻間我欲起死無金丹我欲賑乏少  
金錢傾囊殞殮更議恤函書欲達心先酸翁聞其端痛  
欲絕招魂千里淚成血鋒銚不到刀無聲翁孫弱息心  
披磔踉蹌拄杖走千里孫啼婦哭畱不得我聞翁至驚  
且吁翁子有靈哀何如首邱之計誠在我哀翁老病奔  
長途亦欲畱翁博飽暝童孫弱息門閭孤念我魂夢隨  
翁去入關早寄還家書

閆翁繼以其子葬於彰義門外陝西義地而以所  
賻歸養既許其請詩以哀之

輜車欲發忽勾畱何處青山非首邱可信達觀同季札  
那無遺愛類楊彪死猶孝養魂應慰骨有鄉鄰鬼不愁  
彰義門西馳道北白楊蕭瑟恰驚秋

陳午垣同年侍者靜蘭從予學詩度曲偶索吟贈

爲成長句

也愛清歌也愛詩二分聰慧一分癡情懷似酒誰能醉

氣韻如蘭不在吹燕市夜寒風悄悄吳船人遠夢差差  
催粧學得香奩體鵲渡雲輶定幾時

靜蘭蘇州人訂婚未娶

漫邀檀板按新聲此事如詩在有情樂府才華原綺麗  
佳人吐屬自輕盈衣冠傀儡登場易罄澗謳歌識字清

一曲陽關纔入破依依送我出春明

時子校靜蘭折柳陽關等曲

恨不分身有替身花枝手檢故鄉春

靜蘭有異日於吳中爲覓一妾之語

芳心

宛轉眞憐我綺語纏綿太感人染髮幾時調陸展浣紗  
何處訪施鑿錢塘虎阜無多路證取尊前未了因

和次黃香初孝廉見簡原韻

孝廉名榜閩僕之外兄也

棧道雲煙峽口風南船北馬笑飄蓬題名到處詩空好  
對策頻年籍未通眞賞每邀塵盍外窮愁例在客途中

心知堂詩稿卷十四 貌繫集下

九

銅絃鐵板誰能和縱筆輸君七字雄

人間難得老萊衣莫戀名場未肯歸瓜蔓水邊迴故國  
蓮花頂上扣雙扉遙知采杞詩重和定見乘槎願不違

嗟我瀧阡空悵望劍門西上白雲飛

奇窮不撰送窮文老驥埋頭冀北羣跡弛十年仍伏櫪  
馳驅百里當凌雲平心游夏猶爲宰藉手湖山好報

君元白唱酬何日續錢塘江上關詩勳

由谷青天一綫窺入關時日計今茲河聲撼耳山形斷  
海色翻空日影垂前路有時逢舊雨懷人何處慰相思

秋風落月如迴首檢取奚囊別後詩

中秋夜望月寄內

一鏡平分萬里秋山河倒影壓人愁誰從玉壘來燕市  
却上金臺望益州縮地無方愧凡骨經年小別悔羈遊  
還家念遠如相夢遮莫離魂錯道周

涼風卷盡碧天寬大海飛來白玉盤獨把壺觴消永夜  
遙憐兒女話長安鐙邊小影參差樂醉後高歌旖旎難  
不識望舒三五易何年今日許同看

得陳芝山夫子手書走筆代柬四十韻

禽以羽毛奇花以氣味寶靈蠢與香臭萬口無一擾如  
何人衡人同類多顛倒文章心印心以目爲介紹目光  
根諸心成見要除掃或者理趣別兼之讀書少瞠目如  
醉夢五色迷盲眇至乃面若面皮相一瞬瞭竟若衡文

難不似格物巧如我與先生相較亦易曉涇渭分清濁  
鄒魯辨大小有目所共知平心無庸矯豈謂乖擬議初  
不類品藻縣令雖美秀詩酒圍懷抱廣文實奇偉經濟  
露儀表萬事遇相左何由問洪造先生笑掀髯首肯從  
今飽輓輓雙車輪北出上郡堡邇來易寒熱秋雁傳書  
早長跪啟緘讀情事何清瞭榆塞秦城還龍門禹蹟討  
呂梁踐飛瀑華嶽捫清昊倦遊欲返轡棧度劍門道回  
首別荆花入門媚萱草課士兼課兒奇氣不能了元龍  
臥湖海同甫嘆衰老慷慨鬢髮蒼咨嗟憂思悄直恐年  
命促遙愁離合杳此語悲難聞祇使我心擾我雖膺一  
命折腰先懊惱逐隊事上官藉手虞旁撓困躓傷年年

兀傲減稍稍新例雖許試灰心不應攷聊借西湖水  
傀儡浴澡念茲欲遨行空囊困燕趙賴有居停賢西江  
潤枯槁買車出春明計當九秋杪卸裝應十月芙蓉開  
窈窕芙蓉在杭州詎若錦城好魂夢飛故鄉座想春風  
繞

將赴浙中畱別圖靜菴員外

捧月得奇夢

員外嘗夢捧月而行

雲侵衣袂涼魂魄與之化表裏生

明光身騎蟾蜍背手弄丹桂香下視九州小一氣煙蒼  
蒼駭絕遽然覺妙悟天開張筆是修月斧敏捷誰敢當  
朝餐習歐桺暮食摹鍾王寓目輒有得心手終不忘亦  
復工歌詠洒墨何琳琅淵淵按音節髣髴聞霓裳充積

縱所至此才胡可量佳夢不忍負伏案心皇皇

尊翁秉旄鉞節度東西川開閣引俊髦爲汝陳言詮我  
時臥鄉國持筆耕硯田虛名荷薦達束帛來芟芟勢若  
石投水機當山出泉旬月已孟晉筆致驚翩翩姿性旣  
卓絕嗜好俱能端百城擁書室千金求畫船食饌卻珍  
異被服羞華鮮勢分忘貴介氣味如酸寒外渾而內慧  
初不關學然攬古多閱歷益以全其天

相攜五千里笑汝眞從游朝發錦官驛暮宿越王樓南  
棧鑿龍洞東川開鳳州山川遞險快雲氣爭綢繆君衣  
打我面我踵連君頭細路太逼迫迴梯更勾畱侏僂略  
相讓杳焉忽寡儔隔雲聽馬蹄隨聲不可求林表露鳥

帽一笑開雙眸奇景畫不到新詩時對謳此樂如可再  
畢世願周流周流忽不願苦樂良難侔

前詩未卒吟而靜菴忽聞尊翁春暉制府之訃同

日出京分投蜀越再賦十二韻唁之

去年芙蓉開與君辭錦城連鑣載行李蹴踏風雲生今  
年芙蓉開與君出燕京分袂悵離索相看淚波橫奔喪  
路萬里麻衣如雪明哀君獨往返我不偕君行我豈不  
念君官符限我程我獨赴浙去知君難爲情君情毋我  
縈君身毋自輕忍哀當大事繼志揚令名豈惟報泉下  
亦以慰友朋萍水與鴻雪他時應合并

畱別都中知好

心知堂詩稿卷十四

鮑紫集下

十三

一回聽榜一心酸蜀道青天進退難二十六宵眠矮屋  
五千餘里赴春官昌黎薦士豈皮相已已薦於揚北海先生  
辛未薦於余鷺門先生

羅隱渡江空淚彈未領刑書猶許試憐才惟感

聖恩寬

先皇恤士用旁招剏例三科許大挑始信糊名無定賞  
纔從覲面露清標藩王器異頻垂盼宰相咨嗟爲折腰  
免卻泥塗仍出宰滄瀛惆悵是回颺挑河工日成即欲以入  
選董蔗林相國吳淞浦

尚書有此人太好河工  
泥塗不如畱下之語

天台春色鏡湖秋不當之官只當游山水已如蓬閣好  
文章宜借簿書求名經往日尊千佛實政何年出一頭  
未必白蘇成絕調試將餘韻譜杭州



